



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus IV. An per lapsus in hæresim, vel schisma, Prælatus Ecclesia
amittat jurisdictionem, & jura sua?

[urn:nbn:de:hbz:466:1-73031](#)

2530.

Colliges 4. illam regulam : *qui potest ligare, potest & solvere, ac è converso, non esse accipiendam indefinitè.* Nam in pluribus casibus fallit 1. *in foro conscientiae.* Nam Parochus jure ordinario non potest excommunicare, potest tamen solvere ab excommunicatione non reservata ; 2. *in foro externo* ; nam Legatus à latere percussores Clericorum, etiam existens extra Provinciam, potest absolvere ; non tamen existens extra Provinciam potest ligare, seu excommunicare, ut diximus *supr. de Offic. Legat.* Procedit ergo solum, quando unum eorum alicui competit ex officio, nimis jure ordinario ; secus, si solum ex commissione nudæ potestatis ad solvendum, vel ligandum. Regulares enim à pluribus casibus, Papæ reservatis, ac etiam censuris, vi suorum privilegiorum, possunt solvere, quin jure ordinario possint peccata reservare, vel censuras infligere.

Colliges 5. Papam, nisi aliud exprimat, non intendere juri tertij præjudicium, saltem grave, inferre ; ut colligitur ex cit. c. cùm inferior, ibi : *quod, si per hoc jura Archidiaconi Firmiensis ledantur in diœcesi Colocensi, tum ipsi alius, in eadem diœcesi, ubi Archiepiscopus expedire judicaverit, competentem compensationem facere debeat, absque præjudicio tamen juris alieni.*

ARTICULUS IV.

An per lapsum in hæresim, vel schisma, Prælatus Ecclesiæ amittat jurisdictionem, & iuris sua?

2531.

A nte resolut. not. aliud esse, Ecclesiæ aliquam, aliud, solum ejus Prælatum, vel solum Capitulum, in schisma, vel hæresim labi. Primum contingit, cùm & Prælatus Ecclesiæ, ac totum ejus Capitulum, atque Clerus, in tale crimen prolabitur ; quo posito : q. si tantum *sols* Episcopus, aut Prælatus Ecclesiæ ; non autem Capitulum, vel Clerus ; vel *solum* Capitulum, aut Clerus, non autem Prælatus, in hæresim, vel schisma prolabatur, Ecclesiæ non privari jurisdictione, vel juribus suis ; sic Felinus in c. *Inter quatuor 8. b. t. n. 3.* Nam delictum personæ non debet in Ecclesiæ detrimentum redundare,

per Reg. 76. in 61. præsertim, cùm Prælatus neque per pactum Ecclesiæ jura, sine Capituli consensu, possit alienare ; minùs ergo per delictum. Et ideo licet Procurator Monasterij committeret crimen falsi in judicio, vel aliud, propterea Monasterium patietur jacloram causæ ; sic P. Ludovicus Engel de *Privilegijs Monasteriorum, privileg. 26.*

Similiter Monasterium non tenetur de deposito illo, quod culpâ Religiosi est deperditum, aut deterius effectum, nisi quatenus res deposita in Monasterij utilitatem conversa est, ut inde locupletius factum sit, ut tradit Molina de *Jus. tr. 2. D. 525.* Lessius de *Jus. l. 2. c. 27. d. 3. n. 12.* addens, idem dicendum esse, si depositum sit apud Abbatem, cuius rationem dat Sanchez in *Præcept. Decal. tom. 2. l. 2. c. 14. n. 29.* quia nec ex delicto peculiari Abbatis tenetur Monasterium.

Dixi : *si solus Prælatus, vel solum Capitulum, aut Clerus labatur in hæresim, vel schisma ; quæstio autem potissima est, an, se Episcopus unâ cum Clero, & populo universo, labatur in hæresim, vel schisma ; jura, & privilegia talis Ecclesiæ nihilominus maneant penes illam ? affirmativam sequitur Joannes Andr. e. Inter quatuor, n. 4. & Abbas ibid. n. 5.* Nam tali casu res se habet, sicuti si omnes peste, aut ruinâ extinti sint. Nam adhuc privilegia loco adhærebunt.

Deinde, bona Ecclesiarum non solum sunt deputata ad usum Prælati, & Capitali, sed præterea etiam ad reparationem templi, quod Divino Numini dicatum est, & ad alimoniam pauperum (c. fin. 16. q. 2. quatuor 12. q. 2.) quibus ex alieno facto præjudicium generari non potest, c. non debet, eod. Et ideo in præjudicium Ecclesiæ, Prælatus, & Capitulum, veteres consuetudines Ecclesiæ remittere non possent ; Innocent. ad c. *accidentibus, de Prælat.* Angelus conf. 177. & si confiteantur, se receperisse pecuniam, eandemque in rem Ecclesiæ conversam esse, si alter de conversione verè constet, minimè eis credetur ; alioqui enim (inquit D. Antoninus ad c. *gravis, in fin. depositi*) daretur occasio delinquendi, & sic contra veritatem confitendi, & deinde pecuniam inter se dividendi, & consumendi, aut bo-

na

na Ecclesiae ad agnatos transferendi; Paganus. *ad dict. c. 1. n. 18.*

1133. Confirmatur 1. quia hoc procedit, si testator dixisset, *velle se, bona sua ob delictum admissum ad alios pervenire*. Etenim, ut eleganter decidit Felinus *conf. 34.* legatum factum de certis bonis cuidam Xenodochio hac conditione, quod singulis annis certum anniversarium celebraret; &, si non faceret, alteri Ecclesiae applicaretur: certe si Gubernatores dicti Xenodochij certis annis anniversarium illud intermisserint, non privatur hospitale suum legato. Sed an idem sit, si Monasterio legatum fuerit: & omnes Monachi in celebratione dicti anniversarii negligentes sint, latius examinat, quem vide loc. cit.

Confirmatur 2. quia Praelatus, *delinquendo* non solum non transfert dominium rei Ecclesiae, sed nec possessionem quidem, etiam adjecta fuerit clausula *constituti*, hoc est, quod constituerit, se eam nomine emptoris possidere; quia non tam apud ipsum, quam apud Ecclesiam, rei Ecclesiae possessio est, Alex. Ripa, & alij *ad L. 1. ff. de acq. poss.* & ideo morte ejus possessio non vacat, id, quod pluribus verbis explicat Tiraquellus *in lib. de Constit. part. 3. lim. 16.*

1134. Confirmatur 3. quia delictum Praelati adeo non nocet Ecclesiae, ut Praelatus remotus, vel depositus, non admittatur ad declarandum, aut testimonium ferendum super contractibus, seu actibus praecedentibus, per eum perperam factis, quatenus Ecclesiae sua ex eo praejudicaret, Laur. Calcanus *confil. 125. n. 20.* Baldus *ad c. Si verò, qui feud. dare poss.*

Confirmatur 4. licet regulariter producens instrumentum, cogatur eodem contra se uti, possitque ex illo condemnari (Alex. & alij *ad Q. editiones, ff. de edendo*) quasi videatur approbare personam scribentis illud (Baldus *ad L. si quis testib. C. de Testibus*) tamen, si Ecclesia, vel ejus Procurator ignoranter produxit instrumentum falsum, per Praelatum consequitur, nullum sibi in eo praejudicium facit, c. *cum venerabilis, & ibi Felinus n. 27. de except.* ubi dicitur, quod excipiens non videatur fateri ea, quae in exceptione includuntur.

1135. Negativam autem sequuntur alij, volentes, quod si Ecclesia aliqua in haeresim,

aut schisma labatur juribus, ac privilegijs Ecclesiasticis privetur ita, ut aliae inferiores, in Spiritualibus antea subjectae Ecclesiae, ac populi Christiani, immunes ab illa efficiantur, saltem post sententiam declaratoriam haeresis, aut schismatis incursi, pro quo citatur D. Thom. 22. q. 39. a. 3. apud Layman *in cit. c. 16. h. t. n. 1.* Fundamenta hujus opinionis sunt sequentia apud Peckium ad Regulas Juris Canonici, Reg. 76. a. n. 5. Quia Praelatus potest praejudicare juribus Ecclesiae; primò ex eo, quod, Praelatus navem Ecclesiae, publicis utilitatibus, seu rerum bellicarum transvectionibus dolosè subtraxerit: utique haec navis in damnum Ecclesiae publicata, fisco Principis adscribitur. L. jubemus 1. C. de Sacros. Eccles. Secundò, quia, si quis Virginem Sanctimonialem, & Deo dicatam, aut rapuerit, aut solicitaverit, aut corruperit, bona ejus Monasterio, ubi consecrata, professa, & velata est, pro solatio addicuntur L. Raptore. C. de Episc. & Cler. si tamen ea, quae praest Motiasterio, intra unum annum, postquam cognovit, facinus tale admissum esse, res ejusmodi non vendicet, nascitur sane haec illius negligentiā praejudicium Monasterio, & Fisco Principis adjiciuntur: §. fin. in auth. de Sanctissimis Episc. quod & de bonis haeticorum alibi, constituit Justinianus, L. in §. se quis, de predictis 2. in auth. ut cum de appell. cognos.

Tertiò ex eo, quod (ut in Africana Synodo legitur) Praelati qui negligunt loca, sibi subdita, in unitate Catholica lucrari, si à viciniis Episcopis moniti infra sex menses id non effecerint, alius, qui ea convertit, sua faciat, & Ecclesia illius Praelati, dominium amittat, c. 1. de prescript. c. placuit. 2. 16. q. 3. Quartò ex eo, quod ex negligentiā Praelati contra Ecclesiam curat prescriptio, c. auditis, de prescript. & si ipse, aut Procurator Ecclesiae instrumenta Ecclesiae in judicio non exhibuit, noceat hoc illius factum Ecclesiae ipso jure, & non nisi in integrum restitutione postulata adjuvetur, c. 2. de restit. in integrum.

Quinto ex eo, quod si Episcopus, vel Praelatus feudum à Rege non personae, sed Ecclesiae datum, propter suam culpam perdat, utique *co vivente*, nullum ex illo feudo fructum Ecclesia habeat. Neque tamen sufficit, quod eo mortuo ad Ecclesiam

2516.

Dd dd 2

flam

Tom. I.

siam vertatur , §. fin. de Capit. Corradi in usibus fœd. quia fructus medio tempore percipiendi , & fortè per Prælatum non consumpti , in rem Ecclesiæ convertorentur , c. cùm in offic. de Téf. Sextò , quia , si Episcopus delinquit , & sciens , prudensque alienum servum ordinet , eum Domino suo , ut est in Concilio Aurelianensi , cum duplice satisfactione recompensare debet , c. si servus 54.

Septimò , quia Episcopus , si non acquirit Ecclesiæ , cùm potest , in fraudem non acquisivisse censetur . L. in fraudem , ff. de Jure Fisci ; quia tenetur Ecclesiæ utilitatem pro viribus procurare : si tamen ab emphyteuta (qui per biennium in solutione Canonis cessavit , L. invenimus 2. C. de Sacrof. Eccles.) Canonem sponte recipiat , solus utique impedit , ne penæ commissio locum habeat . Octavò , quia exceptio spoliationis Prælati , Ecclesiæ nocet , c. 2. de Ord. cog. & subinde ex falsitate per Prælatum admissa (c. cùm ex literis , de Restit. in integrum) adversus illam pronuntiatum fuit . Postremò ex eo , quòd Ecclesia pupillis æquiparetur , Clem. quia contingit , de Relig. domib. Unde sicut (teste Ulpiano) si Tutor dolo fecerit , in pupillum datur actio , L. 1. §. hoc editio , ff. ne vis fiat ei , qui in poss. &c. L. fin. de Administr. Tut. ita & hic quoque ex delicto Prælati rectè videtur Ecclesia teneri .

2537.

In his opinionibus inter se oppositis , quorum fundamenta retulimus ex Peckio cit. illa probabilior videtur , quæ docet Ecclesiæ , cuius Prælatus cum Capitulo , & Clero in hæresim labitur , saltem post sententiam declaratoriam hæresis , perdere jura sua omnia , & privilegia , prout aper- tè colligitur ex c. Ut commissi , §. Privandi , de hereticis in 6. ubi Bonifacius VIII. Inquisitoribus hereticæ pravitatis sic scribit : Ut commissi Vobis officij debitum , utilius , & uberiorius exequamini , Sanctæ memoriae Innocentij , Alexandri , & Clementis , Prædecessorum nostrorum vestigijs inharentes , Vobis , & Vestrū singulis , privandi , vel privatos nuntiandi , dignitatibus , ac illis beneficijs Ecclesiasticis de diœcesanorum , vel eis absentibus , Vicariorum suorum consilio , & officijs publicis , ac honoribus qui- buscunque , eosdem hæreticos , credentes , receptatores , & defensores ipsorum , eo-

rūmque filios , & nepotes , plenam concedi- mus facultatem .

Ex hoc textu , hæreticos , ipso jure pri- vatos esse , à die commissi criminis , om- nibus beneficijs Ecclesiasticis , ante hære- sim adeptis colligit Barbosa in cit. c. Ut commissi , n. 10. pro eadem opinione re- ferens Covarruv l. 3. Variar. c. 8. n. 4. Fla- min. Parif. de Resignat. benefic. l. 3. q. 1. àn. 31. Ledesmam , Azor , Sanchez , An- ton: Riccium , & alios . Et ratio est , quia hæretici , & schismatici quoad favores ex- tra Ecclesiæ sunt . Non igitur convenit , eos juribus , ac privilegijs Ecclesiæ gaudere . Idem dicendum est de lapsis in schisma , ex c. Novatianus 7. q. 1. c. didicimus , 24. q. 1. quorum primo de Schismatico , sic loqui- tar Nicolaus Papa : qui ergo nec unitatem Spiritus , nec unionem pacis observat , & se ab Ecclesiæ vinculo , atque à Sacerdotum Collegio separat , Episcopi nec potestatem po- test habere , nec honorem , qui Episcopatus nec unitatem voluit tenere , nec pacem ; & altero , Cyprianus ait : didicimus , om- nes hæreticos , & schismaticos nil habere potestatis , ac juris . Hæc tamen limitan- da sunt , ut non procedant , quando vel unus ex Conventu contradicit , & in fide , ac utilitate Ecclesiæ manet . Nam in tali casu , alijs privatis , jura Ecclesiæ penes ipsum remanebunt . Nam licet gesta à majori parte valeant , ad utilitatem Eccle- sie , etiam minori contradicente ; unius tamen contradictione impedire potest , quòd minus valeant gesta ad delictum , & dam- num Ecclesiæ imputandum .

Ad fundamenta contraria sententia in 2538. n. 2532. q. non esse paritatem in casu ibi allato . Nam in his , quo omnes peste , vel ruinâ extinguuntur , id contingit citra il- lorum culpam ; secus est , ubi iactura ju- rium decernitur in penam delicti , prout contingit , cùm Ecclesia , hoc est , totum Corpus , vel totum Monasterium , prolabi- tur in hæresim .

Ad 2. q. et si verum sit , quòd bona Ec- clesiæ non sint tantum deputata in usum Prælati , & Capituli ; sed etiam in templi reparationem , & pauperum alimoniam : quia tamen Prælatus cum Capitulo repræ- sentativè est Ecclesia , quoad jura distri- buendi ea bona in eos fines , & ratione de- liicti totius corporis cum suo capite se con- stituit indignum eo jure , quod habebat , reti-

retinendo, talis Ecclesia non patitur *ex alieno*, sed proprio delicto.

Ad 3. constabit ex dicendis à *num. sequenti*. Ad 4. q. aliud esse damnum, quod Ecclesia patitur *in non acquirendo*; aliud, quod patitur *in jam acquisitis*, ex delicto Prælati, & Capituli; quid porrò possit, vel non possit Prælatus, & Capitulum *simul*, quando ex utriusque delicto Ecclesia damnificatur, constabit *ex num. 2539*. Quod dicitur in n. 2533. & seq. solum probat *ex delicto solius Prælati* Ecclesiam non pati jaucturam jurium suorum, quod ipsi assertimus *sup. n. 2531*. Nec aliud concludi potest *ex eo*, quod dicitur in confirmatione. 4. n. 2534.

2539. Ad ea, quæ producuntur pro sententia negativa à n. 2435. in quantū intendunt, solum Prælatum ex delicto suo Ecclesiæ causare posse amissionem jurium suorum, cuius oppositum tenuimus *supr. n. 2531*. Resp. præmittendum, solum Prælatum *in rebus acquisitis* Ecclesiæ nocere non posse; secus *in acquirendis*, sicut servus respectu Domini eidem nocere non potest in jam quæsitis; secus *in acquirendis*, L. 1. §. fin. ff. de stipulat. servorum; & debitor respectu Creditoris, per L. 2. ff. qui *in fraud. credit.* Ratio autem hujus est, quia Prælatus est defensor, & Procurator Ecclesiæ generaliter constitutus; non autem Dominus rerum ad eam pertinentium, per c. Fraternitatem, 2. de donat. Fraternitate tuam credimus non latere, quod, cum Episcopus, & quilibet Prælatus Ecclesiæsticarum rerum sit procurator, & non Dominus: conditionē Ecclesia meliorare potest; facere vero deteriorem non debet. Accepimus autem, quod Prædecessor tutis graves donationes in rebus Episcopatūs fecit in detrimentum Ecclesiæ, suis Canonicis inconsultis. Unde, quoniam donationes de jure non tenent, indulgemus tibi, ut liceat donationes hujusmodi tam à Clericis, quam à Laicis, legitimè revocare; & 14. q. 1. c. 1. in mandato autem, seu constitutione generali non continetur facultas per delictum Ecclesiæ præjudicandi, L. 1. ff. de magist. convent. & docet Felinus consil. 34. nu. 8. cum nemo debeat alterius odio prægravari; juxta c. Non debet; ergo talis actus donationis cum danno in jam acquisitis, quod ex ejus delicto Ecclesia patitur, ob defectum potestatis

validè celebrandi actum damnificativum, nullus est, consequenter in bonis acquisitis Ecclesiæ nocere non potest. Hoc confirmatur ex eo, quia Prælatus non potest *expresse* sine debita solennitate, & causa, bona Ecclesiæ alienare per c. *sine exceptione*, 12. q. 2. ergo multò minus tacite, & delinquendo.

2540.

Dices 1. ex hoc sequi, quod nec Prælatus cum Capitulo possit Ecclesiæ præjudicare etiam in acquirendis. Nam Prælatus etiam cum Capitulo non potest alia, nisi quæ cadunt in potestatem Prælati, & Capituli; non autem ea, quæ sub eorum potestatem non cadunt; at *delinquendo nocere Ecclesiæ* sive in acquisitis, sive in acquirendis, non cadit sub eorum potestatem; ergo. Resp. quando dicimus, quod Prælatus cum Capitulo nocere possit Ecclesiæ, cum labitur in hæresim, vel schisma, procedere non tantum de danno in bonis acquirendis, sed etiam acquisitis; in alijs autem casibus, extra tale delictum, duntaxat in acquirendis, non in jam acquisitis. Ratio primi est, quia id de utroque delicto *expresse* habetur *in cit. jurib. n. 2537*. & seq. quæ, cum odiosasint, ad alios casus non expresos extendi non debent. Ratio secundi est, quod non acquitendo non tam dicatur *nocere*, quam *non prodeesse*; unde licet non possit imputari Ecclesiæ delictum Prælati cum Capitulo in his, quibus propriè *nocet*, extra casum hæresis, vel schismatis; potest tamen in aliis, solum quando non *prodest*; idque propterea, quod *talem elegit*, præfertim, cum minus sit aliena non acquirere, quam sua deperdere. Nam danno ex negligentia Prælati, non nisi ad tempus nocet Ecclesiæ, scilicet *tantisper*, donec Prælatus vivit; quia indignus est, ut adjuvetur, & in omnem eventum Ecclesiæ beneficium restitutionis conceditur, & ut notat Curtius ad L. servus, C. de pactis, n. 6. quia contra Prælatum, qui data opportunitate acquirendi, noluit acquirere, datur actio ad intereste, promoto, & ratione lucri cessantis.

2541.

Hinc Resp. ad object. N. sequel. & suppositum, quod danno, Ecclesiæ proveniens ex lapsu Prælati cum Capitulo in hæresim, supponat in eo juridicam potestatem delinquendi, aut delinquendo nocendi documento inducto via jurisdictionis, qua

Dd d d 3

pollet;

pollet; hoc enim damnum imponitur Ecclesiæ à jure, supposito lapsu in hæresim, vel schisma; quod etiam procedit, quando nocet non acquirendo; quibus præmissis.

Ad 1. in nn. 2535. Resp. 1. ibi, ubi sermo est de navi publicanda, & fisco Principis adscribenda, non agi *de lapsu Prælati in hæresim, vel schisma*, propter quem concedimus, ex tali delicto amitti jura Ecclesiæ; sed tantum de dolosa navi subtractione, quando ea utilitatibus boni publici necessaria erat. Unde, qui admittunt in dicto casu dispositioni juris civilis locum esse, dicunt speciali jure, & ex necessitate publica receptam esse dictam legem *Jubemus, C. de sacros. Eccles.* nec illam fundari in mero delicto, sed solum velato, & inclusu in administratione; quod, cùm in Prælati persona propriè puniri possit, punitur in ipsa navi, sic tamen, ut admittatur Ecclesia, ut hoc dannum acceptum recuperet, si Prælatus solvendo non sit, restitutione in integrum; sic Bartholus, Alciatus, & Castro, *in cit. L. Jubemus.*

2542.

Ad 2. in nn. 2535. Resp. ex ibi adductis solum sequi, quod nn. 2539. admisisimus, nimis Prælatum præjudicare posse in non acquirendo, id quod etiam probat objectio tertia. Hoc tamen ipsum damnum, ex Prælati negligentia Ecclesiæ datum in non acquirendo, intellige secundum dicta nn. 2540. Hinc etiam ad 4. Nam eo casu Ecclesiæ liberum est, vel restitutionem in integrum petere, vel contra negligentem Prælatum, aut Procuratorem, judicio experiri; id, quod aliis non permittitur, quamdiu Procurator solvendo est. Et quamvis aliqui hanc doctrinam (quod Prælatus Ecclesiæ præjudicare posset in non acquirendo) velint locum non habere in causis ordinis, ut docet D. Antonin. apud Pekium *cit. nu. 6.* hic tamen de hoc dubitat, cùm ardua possit esse res, & amplum patrimonium hæretici, vel Raptoris, in cuius tamen acquisitione Prælati negligentia nocet.

2543.

Ad 5. Resp. in eo casu solum probari, Prælatum Ecclesiæ nocere in non acquirendo; Ecclesiæ autem sufficere, quod res feudalis ad ipsam redeat, præfertim cùm incertum sit, an Prælatus fructus ex feudo suæ personæ concessio consumplisset, an non? Ad 6. Resp. illam duplicem sa-

tisfactionem nihil probare contrà dicta nostra; cùm non dicatur præstanta *ex bonis Ecclesie, sed Prælati*, qui servum alienum sciens ordinavit.

Ad 7. Resp. in eo, qui non acquirit, cùm potest, legem favore Fisci præsumere dolum, & fraudem; in Prælato autem potius negligentiam, quā malitiam, per c. *ad nostram, de appellat.* Ad 8. dico, verum esse, quod Ecclesia in dicto casu tenebatur ex facto Prælati, sed ideo, quia illius Castri possessio ad ipsam pervenerat *ex spolio Prælati*; consequenter ne lucrum haberet *ex ejus delicto*, potuit judicio experiri.

Ex his colligitur, solum Prælatum delinquendo non posse præjudicare in iuribus, & bonis jam acquisitis, ut constat ex n. 2531. posse tamen in acquirendis, ut dictum est n. 2539. & confirmatur plerisque argumentis, quæ adducta sunt à nn. 2535. Sic autem Prælatus simul cum Capitulo, & Clero labatur in hæresim, vel schisma, spoliari Ecclesiam, vel Monasterium iuribus, & bonis, etiam præhabitis ex n. 2537.

ARTICULUS V.

An Prælatus per redditum ad veram fidem recuperet amissionem iurium & bonorum?

Quæstio est, an Ecclesia, cujus Episcopos, & totus Clerus; vel Monasterium, cujus Prælatus cum toto Capitulo, vel in hæresim, vel schisma prolapsus est, cùm hi ad Fidei Catholicæ unitatem reversi sunt, eorum restitutionem exigere possit? Resp. P. Ludovicus Engel de *Privilegijs Monasteriorum, Privilegio 26. nu. 2. respondet his verbis: si Religiosæ omnes in aliquo Monasterio delinquent, & incorrigibiles sunt: non propterea bona Monasterij ad profanos usus transferenda (utpote quæ semel ad cultum divinum destinata sunt) sed expulsis incorrigibiliibus alios ejusdem Ordinis, vel in horum defectu alterius Ordinis inducendos esse; si nulli prorsus Regulares tale Monasterium suscipere velint, tum demum & non prius, ad Clericos sæculares, non autem ad Laicos transferenda, juxta c. inter qua tuor, de Relig. dom. c. Relatum, 7. N^o Cleri-*